

新刊名臣碑傳琬琰之集

七

新刊名臣碑傳琬琰之集目錄中

眉州進士杜大珪編

卷一

馬忠肅公亮墓誌銘

元獻公晏 殊

卷二

田諫議錫墓誌銘

文正公范 仲淹

田諫議碑陰

文正公司馬 光

滕待制宗諒墓誌銘

文正公范 仲淹

曾諫議致堯墓誌銘

荆公王 安石

卷三

田太傅况墓誌銘

荆公王 安石

蔡文忠公齊墓誌銘

文正公范 仲淹

卷四

杜祁公衍墓誌銘

文忠公歐陽 脩

章文獻公得象墓誌銘

景文公宋 祁

卷五

王文正公曾墓誌銘

景文公宋 祁

胡太傅宿墓誌銘

王文正公曾碑陰

文忠公歐陽 脩

景文公宋 祁

卷六

龐莊敏公籍墓誌銘

文正公司馬 光

高文莊公若訥墓誌銘

景文公宋 祁

卷七

王待制質墓誌銘

文正公范 仲淹

孫待制甫墓誌銘

文忠公歐陽 脩

卷八

王文公堯臣墓誌銘

文忠公歐陽 脩

吳正肅公育墓誌銘

文忠公歐陽 脩

卷九

張翰林錫墓誌銘

文忠公歐陽 脩

賈翰林黯墓誌銘

文恭公王 珪

卷十

范忠獻公雍墓誌銘

文正公范 仲淹

張樞密奎墓誌銘

文忠公富 弼

卷十一

張恭安公仔墓誌銘

文正公司馬 光

胡尚書則墓誌銘

文正公范 仲淹

卷十二

范文正公仲淹墓誌銘

文忠公富 弼

杜待制杞墓誌銘

文忠公歐陽 脩

卷十三

郭將軍達墓誌銘

太史范 祖禹

卷十四

孔中丞道輔墓誌銘

荆公王 安石

張御史唐英墓誌銘

丞相張 商

沈翰林遵墓誌銘

荆公王 安石

卷十五

許待制元墓誌銘

文忠公歐陽 脩

呂諫議公綽墓誌銘

文恭公王 珪

卷十六

石工部揚休墓誌銘

忠文公范 鎮

宋諫議敏求墓誌銘

忠文公范 鎮

卷十七

賈文元公昌朝墓誌銘

文恭公王 珪

卷十八

司馬文正公光墓誌銘

忠文公范 鎮

范忠文公鎮墓誌銘

文忠公蘇 軾

卷十九

唐質肅公介墓誌銘

文恭公王 珪

邵安簡公元墓誌銘

文恭公王 珪

卷二十

薛簡肅公奎墓誌銘

文忠公歐陽 脩

程文簡公琳墓誌銘

文忠公歐陽 脩

卷二十一

楊諫議偕墓誌銘

文忠公歐陽 脩

謝學士絳墓誌銘

文忠公歐陽 脩

卷二十二

張文定公方平墓誌銘

文忠公蘇 軾

卷二十三

滕學士東墓誌銘

文忠公蘇 軾

司馬諫議康墓誌銘

太史范 祖禹

卷二十四

呂中丞誨墓誌銘

文正公司馬 光

王尚書陶墓誌銘

忠文公范 鎮

鮮于諫議侁墓誌銘

忠文公范 鎮

卷二十五

孫學士洙墓誌銘

黃門李 清臣

楊待制繪墓誌銘

太史范 祖禹

卷二十六

蘇文忠公軾墓誌銘

文定公蘇 軾

卷二十七

吳正憲公充墓誌銘

黃門李 清臣

王懿敏公素墓誌銘

文恭公王 珪

卷二十八

梁莊肅公適墓誌銘

文恭公王 珪

王懿敏公素直贊

文忠公蘇軾

卷二十九

范資政百祿墓誌銘

太史范祖禹

卷三十

蘇丞相頌墓誌銘

文昭公曾肇

王學士存墓誌銘

文昭公曾肇

卷三十一

陳少卿希亮墓誌銘

忠文公范鎮

蘇貞外安世墓誌銘

荆公王安石

彭待制汝礪墓誌銘

文昭公曾肇

卷三十二

趙待制淵墓誌銘

待制李燾

卷三十三

唐資政重墓誌銘

修撰劉岑

楊文安公椿墓誌銘

御史陳良祐

卷三十四

梅直講聖俞墓誌銘

文忠公歐陽脩

劉學士敬墓誌銘

文忠公歐陽 脩

晁太史補之墓誌銘

直閣張 耒

邵康節先生雍墓誌銘

明道先生程 顥

卷三十五

胡先生瑗墓表

文忠公歐陽 脩

孫先生復墓誌銘

文忠公歐陽 脩

石渠孫先生介墓誌銘

文忠公歐陽 脩

孔處士旼墓誌銘

荆公王 安石

卷三十六

石校理曼卿墓誌銘

文忠公歐陽 脩

梅給事詢墓誌銘

文忠公歐陽 脩

尹學士洙墓誌銘

文忠公歐陽 脩

尹學士洙墓表

忠獻公韓 琦

卷三十七

蘇長史舜欽墓誌銘

文忠公歐陽 脩

王翰林洙墓誌銘

尹博士源墓誌銘

文忠公歐陽 脩

文忠公歐陽 脩

卷三十八

劉泌書恕墓碣

太史 范 祖禹

劉祕書恕十國紀年序

文正公司馬 光

劉檢討義叟墓誌銘

忠文公范 鎮

魏處士閑墓誌銘

文正公司馬 光

种處士放傳

太史 曾 鞏

林和靖逋

太史 曾 鞏

王團練中正

太史 曾 鞏

卷三十九

富秦公言墓誌銘

文忠公富 弼

西貝令君注墓誌銘

景文公宋 祁

田公紹芳墓誌銘

文正公范 仲淹

蘇職方序墓誌銘

舍人 曾 鞏

卷四十

程太師元白墓誌銘

文忠公歐陽 脩

瀧岡阡墓表

文忠公歐陽 脩

謝尚書濤神道碑

文正公范 仲淹

劉應石勳式家傳

公是先生劉 敞

卷四十一

韓太保惟忠墓表

黃門李 清臣

張寺丞文蔚墓誌銘

忠文公范 鎮

程太師坦墓誌銘

文恭公王 珪

何廬江隱侯澤墓誌銘

丞相張 商英

卷四十二

老蘇先生詢墓誌銘

文忠公歐陽 脩

又墓表

文定公張 方平

曾博士易占神道碑

黃門李 清臣

孫府君庸墓誌銘

翰林學士王 禹偁

宋府君玘行狀

景文公宋 祁

卷四十二

曹武惠王彬行狀

少卿李宗諤

曹武穆公瑋行狀

荆公王安石

卷四十四

王文正公曾行狀

文忠公富弼

張文定公詠行狀

景文公宋祁

卷四十五

孫文懿公抃行狀

丞相蘇頌

卷四十六

孫宣公奭行狀

景文公宋祁

馮侍講元行狀

景文公宋祁

卷四十七

蔡文忠公齊行狀

文忠公歐陽脩

孫待制甫行狀

舍人曾鞏

卷四十八

韓忠獻公琦行狀

黃門李清臣

卷四十九

李黃門清臣行狀

曾舍人鞏行狀

太史晁補之

內翰曾肇

卷五十

韓儀公丞相忠彥行狀

學士畢原英仲游

卷五十一

司馬文正公先行狀

文忠公蘇軾

卷五十二

曾太師公亮行狀

文昭公曾肇

卷五十三

鮮于諱議佖行狀

學士秦觀

李中丞常行狀

學士秦觀

卷五十四

杜御史華老行狀

少卿查籛

卷五十五

張忠獻公浚行狀

樞密院編修官朱熹

新刊名臣碑誌行誼琬琰之集目錄中

新刊名臣碑傳琬琰之集卷一

馬忠肅公亮墓誌銘

元獻公晏

殊

鉅宋有天下重三石光九圍淑清慎東豪雋宣揚治迹海岳冥助
英賢輩出惟僕射扶風忠肅公諱亮字叔明委質三朝勤身四
方踐履華顯保綏吉祿盡瘁克終褒甄有加進退哀榮爲儒臣表
式公之先本居彭城中徙廬江因而占籍曾祖復王父韜潛穎弗
耀里仁多裕烈考澤任至西頭供奉官累贈太師中書令尚書令
舒國公五代遵屯隸名戎幕皇朝拓統獻策帝閣引籍三階之
塗警寇兩河之埃遠圖未艾衍慶方隆公即第三子也生有淑靈
長而德傑鍾庭闈之意愛樂文史之芳潤太平興國中神宗振
策萬寓來主親御英毅博延材等公甫踰弱冠綽有神鋒一上中
進士第得大理評事知太平州益湖縣丁外艱朝制抑奪充窮蒞
事自吳會之平也士人族屬不許渡江公高堂暮年偈日榮養懇
乞迎侍優恩賜許改丞大匠入佐著作監群舒權醕授殿中丞上
言詩賦小才不足觀士願先策論以擢優長頃之同判毗陵郡編
戶數百積虧筭給家貲已空刑繼未解公面釋○之借償如
期悉乘宿責皆復版籍既阜銘箚實繁精心不疲園囿無禁採訪
使羅處約擬其實狀飛表以聞受代還朝面賜五品服命知濮州
暮月政聞部民留借駟騎傳召憲臺論薦遂克福建路轉
點刑獄閩蠻荒外部居遼復公星言夙駕惻隱窮微六姓街
窺引伏由察視而全活數族田訟積年遷蒙自辨明而決遣外臺
路奏稔達朝聞就遷太常博士知福州翰林學士承旨蘇公易簡
舉才任治賦促召提點三司未幾以聯職匪彝力求外補出知鄱
陽扁舟徑行僅及都外而伊人受戮識者許其先見邑有豪族怙
強專殺依違十載未伏其辜公發摘按問即時論決又表十二戶
民積負七百餘苗四鼓鑄錢幣亡備至大經常所費物力罕充公奏
於池陽分置鑪公口供億既羨課程增倍著在令甲迄今便之尋改
殿中侍御史有太宗踐祚遷刑部員外郎公以聖緒重熙嘉猷
罔伏謏言四事去天記視庭大略以征稅所通杼軸斯窘恩詔屢下

官曹廢格誅歛彌急瘡痍未復頤出宸斷大滂和令惟新肆賞施
及戍兵貴不踰時式符渙汗邦朝近制屢以宗藩丑京地處猜嫌
謂宜革罷引弓裔俗鳴鏑犯邊異講和戎用康居業囊封上達時
論然之咸平初代還以京西河東二路租欠鉅萬詔往蠲除又以
隴州計籍失言公錢千餘萬受命按劾至則考文簿詳耗登辨朱
墨之出入見四三之名實得其舛誤罔益毫分疑論冰釋吏胥岳
抔復命主判三司都磨勘司先是浙右行商許其沉海有自姑蘇
抵海陵以鬻南枯魚者監鐵使陳恕按籍責其枉道倍誅筭金連歲
督理家人上訴詔下計庭會議案察雲集靡敢異辭公獨與劉綜
條附前令請從釋放皇明獎納嗣降曰俞三年春益部挺災寅車
致討授西川轉運副使法坐臨遣 聖顏彌渥事有利病悉從便
宜適正使名以隆朝任矢石之際輸將不前編貨滯澁力資餉饒
迨乎訖役民不告勤逆黨既殲虎臣擅命恣行威戮姑快侈心公
義感其誠辯迴其虐霜鋒之下所活千人捷羽既聞壘書垂獎改兵
部員外郎資錢五十萬大兵之役斗米直千公出廩輕價遂蘇民
命明年承詔入奏加直史館賜白金三百兩會送賊中僞署八十
餘人至者樞臣將盡戮之公入對近墀頤從寬宥亟詔議于 上
前當軸抗聲其辭甚確公曰脅從罔理是亦何誅且汙染之中此
為百一餘或烏驚雉竄傾聽德音一聞大刑孰不危懼今茲議者
虞其退不悛心臣敢以百口保其無叛且又先朝賊順之黨皆獲
全生一昨寇攘不聞助亂昌言感悟 聖主從之亦既復職勵精
為治盡削租負力瘞疲瘵鹹泉之井構白興利日久味薄課緡獨
存監司之人咎逮求辨公則察其區處第其耗獲損減埋除皆有
條教歲運實布達于渚宮頭會俚民董其舟漕風波悍險士卒侵
漁破產毀宗是為常法公則罷其賦役責其兵師閭里獲安農穡
無擾凡十八州軍經饋師者是秋輸賦悉奏蠲之諸禁部吏之官
權錢倍息以杜貪猥灌口叢廟一方歲祠嘯聚儉人並將戎械跨
踰境邑僭亂儀章由令革絕用懲非法董齊噢咻無不至焉五月
報政延見便坐雍容啓奏 上曰自茲已往 朕無西眷之憂矣
面賜金紫俄命知潭州都會要衝事機叢悉牢犴空閒絲言貴獎

邑有亡卒潛游聚落敢行凶慝黷亂人倫脅制羣氓爲日滋久爰
有四輩合謀殺之司敗論辜將寘于法公以爲亢宗除患理有可
矜觀過知仁刑之所赦儻循常而冒請必見沮於有司措心得宜
獲戾無悔命筆專斷悉從矜貸削封引各朝論諱之景德初移知
昇州途次潯陽歲逢驕旱穀價騰湧道殣相望公曰 聖上愛民
甚於赤子拯溺者不循矩步救火者不問大人有利 國家專之
可也於是取荆湘永米數十艦移牒郡守促行賑給因附驛言江
界郡國阻飢爲甚牧長選懦不時以聞願擇材臣撫循察視仍罷
官糴許行販糧 朝廷盡可其奏立命近臣張知白等五人乘傳
分路緩刑均貸公既即治所益求人瘼輕揚之俗忿鷙成風失意
相讎乘昏縱火申命伺察動無隱漏大殲惡少乃絕震驚僭國遺
區藩儀未緝幕庭之會器服不充牙城東北自僞朝德昌宮地後庭
鈔粉往在焉公撰曰庀徒依神致禱掘次表丈得汞二百餘斤鬻
之獲緡百萬以備供帳綽然有餘歲滿入加工部郎中三日擢授
右諫議大夫知廣州蓋宜寇初平思寧遠俗也受元符之歲二月

公至番禺澄海役兵有出戍而從亂者宗屬二百餘人法當配隸
皆奏釋之瀕海鹽夫有負課而乏資者妻孥質於豪族歲久未肯
悉遣還之招携裔蠻杜絕侵擾其年蕃舶四倍而來琛賚駢湊耆
髦駭歎較于舊課百萬其贏 天子異之命中貴人就頒燕勞遠
夷百衆陪預下筵是歲昇中喬岱公命大食商酋陟婆離蒲含沙
等共執方物貢于岳趾中邦聳觀大禮增華交州使人道出都府
常時貿易多所稽留意忽條章喧煩里閭公榜揭科禁犯而必行
畏威歛迹罔復干迕封祀均慶進左諫議大夫二年有詔方國各
營天慶觀以昭瑞命公進思替否旁念裕民但葺開元用寬勞費
又以秩當諷諭內激忠純引用邦封遠禪宸聽所辭悃幅時論嘉
焉遂以久處瘴處懇求移蒞遂改知虔州五年之民闔境遺愛繪
公之像共致生祠南康輿區生齒繁夥公命錄孝行圖於府門靈
鶴縞姿族生庭樹幼艾驚異謳誦變風四年汾祀禮成加給事中
踰歲徙知洪州在途詢利病奏放廬陵臨江洎本郡餘稅詔悉允
之溪蠻擾邊朝右咨帥遣三班殿侍趙吉馳驛齎詔命知荆南府兼

荆北路兵馬都鈐轄賜中金五百兩嗣降宸旨彰明委注嘗聞以
獄獨疑枉濫榜笞既久不復自明公引造黃堂屏去齋侍苦言咸
動幽悃乃伸為召左證即時縱去曾未數日罪人斯得又有父子
同訴失其家婦公潛諷胥史就詢所居知其前後皆有津涉密濫
幹吏網于水中翌日而獲沉尸即辰而辨謀殺荆吳之閔雨也請
停市糴輕價以濟流庸官邸之遺燼也首納圭田率眾而資完葺
八年春政成入覲面奉宸諭徧朝宮觀七月以尚書工部侍郎再
守金陵暮年就知杭州加領集賢院學士前此大萃戎旅築修坊
堰出沒泥潦多為足疾有詔曰江岸興功蓋非獲已役人嬰疾良
用軫懷宜具籌畫飛郵來上公至部例謁伍員之廟躬袖詔檢示
於睥像且曰帝念若此神其鑒之苟無冥應安用嚴祀詰旦主吏
稱潮勢遠却匯于他境又累夕堤沙橫出綿亘數里罷役夫七千
有餘廩井耆艾用笠乾法會僧以感聖圖入貢遣中貴人詣水濱
為道家醮席投龍璧而報貺錢氏之有國也近邑茶園二十六所
歷年滋久枯槁僅存每歲役兵三千責辦常課因緣採擷恣撓田
間公悉命焚燔變收庸調地征無失民患不生湖秀荐飢流亡猥
集既出京廩凋于困窮復諭豪宗共為歛施四封之內全度居多
飛蝗為災蔽日而至軫憂南畝躬禱吳山群鳥荐食靈雨紛洒苗
頓盡斃原穡無傷地本司吳俗營機鬼椎牛擊鼓頗紊彝章送往
之儀過為奢縱袞飾華采喧囂路衢公明列教條一遵禮法巫風
頓革品類知方天禧三年入拜御史中丞占對左城牢讓數四
上曰卿所至有異政宜當此授因目輔臣稱其介直公以網憲之
地表模所屬遭時振擢銳意修明且言近世公私不敦禮教二親
藁殞即議星居利析貨財緩營電交傷風壞俗莫大於斯請自今
未訖遷祔無得分異又桑門之眾十萬其徒狡獪惰游倚為淵藪
歲格之外宜罷削緇較試之辰頌責攸司保任稍嬰雜濫勿許甄
收山海之濱茗鹽為業食周是樂捨魯是從時有搜獲罪同禪販
願許茲類減其半坐宸聰采納咸署令焉踰歲拜疏避榮願守鄉
郡以兵部侍郎領集賢院學士知廬州維梓協恭于藩播詠我
股肱之寄榮茲八母之邦五年春換印江陵秋八月剖符建鄴或

兩然巴燭或三台召棠不煩更張可以清嘯今上纂服進尚書右丞季冬再領肥川之任間一歲卜習長至肇禋紫壇公以爲六御飛天大明繼照忝備亞卿之列未瞻八采之光夫豈寅恭不違寧處願奉計籍入朝王會制曰可天聖二年冬執玉來覲二宮加禮從祠吉土叶贊鴻休歷判尚書都省知審刑院講法宮之儀矩慎丹筆之詳平頌然宿望冠映朝列近制郊祀有日先庚申令聞知而犯戒以不原切伏之民尚干法禁至期論讞多獲從寬公以爲上無戲言政在必罰况更誕告不可稽誅請飭攸司必正其罪三年加工部尚書知亳州封境積卑潢汙敗稼請均羨廩假貳疲吐擠墜之備按堵如舊後二載移知江寧軍府鹿轡屢及隼旆如歸耆老多存邑居相慶踰歲禮年云及拜疏乞身優答未許明年再表誠請乃授太子少保致仕仍給全俸尋奏詔每有章奏附驛以聞公輕舸南還闔門宴處子孫密侍邑里明權丞相東平呂公孺筮仕之初詞藻宏茂公識其遠至眷以嘉姻果膺國棟之隆昭合鳳鳴之兆至是東平公首賦章什贊揚高躅二司兩掖咸有詠歌

投贈德門瑒刊金石中朝尚紀均著美談八年肆類加金紫光祿大夫燕申之中談誦爲樂歷探竺典尤邃華嚴久之謂所親曰吾夢想有異大期非遠因絕葷茹殆更弦晦一日奄邁微跡退安丈室凌晨澡頰衣居士服偏召近族勗之治行口占遺疏以別宗姻夜分命易新衣盡祛左右合手誦佛凝然化往乃九年孟秋之辛酉也享年七十有三上聞計嗟惻爲輟視朝一日褒贈右揆錄其孫玘爲將作監主簿曾孫永錫試秘書省正字弟之子仲良試秘書省校書郎太常考行與易治之典以仲冬乙卯返真宅於合肥縣之先塋從吉卜也公首娶劉氏攝尚書省校書郎誨之女追封彭城郡夫人繼室朱氏工部侍郎昂之女封沛國郡君皆以盛族紹恢中饋先公而沒咸附隧挺男曰仲宣大理寺丞仲容太常寺奉禮郎仲謀大理寺丞仲甫大理評事欽率忠教足光系緒仲宣以肯構之長田裕承家延世推恩當踐閨籍能報中退讓于族人多士清論嘉其公節曰朝哥洎大理評事仲卿三藏或或或或天元女英國夫人以左相小君之貴冠內朝命婦之班象斯體

二宗有耀退見長樂延恩外門先妣彭城之封乃褒優之異等也
次曰堂塗數齡而殞次適太平州軍事判官戴宏太常博士永之
子次適殿中丞呂居簡舊相許文穆公之子次適前進士張士感
司封自外郎希顏之子次適將作監主簿鍾離景裕龍圖閣待制
瑾之子幼適太廟室長張去奢亦希顏之子公之元曰邕彬不仕
弟用終宣州涇原令測終殿中丞儼今爲虞部員外郎皆有吏道
外分朝寄自顏近屬薦紳曳組者二十餘人率由公之保蔭公策
勳疏爵皆極等威賦室三千四百室真食八百戶儒臣清列無不
揚踐再牧廬荆四臨秣陵質于近古罕有其比角犀豐盈神采秀
澈黠鬚美甚矐視燁如憤疾姦回探湯而扼腕盡傷窮困據疾而
疚心談忠義也或流涕而緣纓譽美善也必盱衡而擊節其御下
也始若嚴峻而要存仁恕其聽訟也初如疑誤而意在平反手著
符教訓齊官屬務敦公共蔑去依阿能斷大事不嬰小節理有繁
錯謀成跬步鞠然而電霆振駭然而體解解茲實過人者已夙重
交契不輕然諾急難是拯榮瘁罔踰戴永者公之同年生也出刺

邕管道經長沙齒耆室家貧憂形於色公許以姻援寬其鬱陶曾未
數月果聞殂謝公遣迎櫬積旋葬里閭存恤其家致于有立中人
李懷諒本家南海充使而還常命郡寮會其塋域衆情尾合成議
枉車公獨介然拒其越禮公之在蜀也軍須日急乘駟宵征導騎
失途誤登廢棧徑之斗絕馬不能旋公自述忠勤禱于上下倒行
數百始得平衢既而列砦攻城中宵露坐適與戎校詢謀事機俄
頃如斯命其季處僅踰數步飛石斃之滿秩言旋乘舟下峽長羸
仲月水潦方臻俗傳茲時不利公涉公又祈于山川曰儻吾不欺
於物有惠於民半月不雨俾予善達泊夫經灑瀕歷瞿唐安若枕
席俄而大澍迴盼川路無相繼者又度川贛石亘三百里非遇泛
漲不能寸進公赴南昌也久屬晴霽稽於戒行既登舳艫潛祝冥
祐中夕水勢暗長川航盡浮篙工驗之深已踰丈未曉而霽送車
无及是皆衆所傳信謂之誠感重慎徽纆訓嚴吏胥晨興視事首
閱縲籍得其曲要然後長居社稷大祠風雨常祭牲牲器服省視
必躬陟降獻羞從兢如在精純所達豐楙隨焉至性純孝加常一

等生辰諱日時鄉間祠悲涕感慕訖于終夕赴潮溝日以公田米千斛命賜白金數百兩復錫百萬視之泫然曰祿不及養此將安用持對親像誓追冥福即致清涼佛寺以助繕修餘杭日有梵僧妙德以舍利遺公實有靈應且曰必興佛事公復典肥上遇越僧懷謹謀建塔於邦之永昌寺適契前諾為鳩眾力仍輟廩俸資其崇構九層之峻數載而成遂瘞靈骨勅以普慈為額賜相輪而寵之其羈貫之年復拜隅坐國士之待頗踰儕倫今也則亡吾將安仰曩接餘論備聆懿實思效刊述形於頌言用移挂劍之誠布在披文之作寺丞泣撰風迹郵傳上都得竭陋庸冀垂悠永老童遊矣安用法於狂言宣父嗚呼猶足志於君子辭則非腆而善其不誣後之人如有傳名臣良吏之為者其取證於此也姑系之以銘曰

猗夫僕射之德備溫恭正直沈毅威克處煩不惑文武該具周行景式猗夫僕射之功佐 二朝 兩宮極慮納忠班常有融岳鎮淵停妥綏四封二十三政騫翊內外刃解禁結風生要會人之所難我則違最五十二禩更嘗險艱兵藹不侵壽康以還帝獎有勞時瞻汝賢鷄首標揚黃鍾旆月宰木摧陰飛霜急節輅褒旅葬輶綽成列轅馬悲跼虞歌慘咽陟彼邱阜南瞻隴闕寫歛翼押車回轍泉帳宵耿松煙暮結刻鏤龜礎宣揚懿烈

新刊名臣碑傳琬琰之集卷一

志刊名臣碑傳琬琰之集卷二

田諫議錫墓誌銘

文正公范

仲淹

公諱錫字表聖世爲京兆人唐德之衰徙家于蜀昔武王封舜之後於陳春秋時公子完如齊子孫遂大食菜於田而命氏焉厥後將有稷直相有千秋斯可謂之著矣大王父易直王父成皆隱君子也文而不耀父懿因公之貴累贈尚書左司郎中善教于家嘗命公曰汝讀聖人之書而學其道慎無速爲期二十年可以從政矣公服其訓拳拳然博通羣書東游長安從昌黎韓丕復居驪山白鹿觀數年器志大成拔王府薦有聲于京師 太宗皇帝新策天下進士擢公第二人時太平興國三年秋也釋褐除將作監丞通判宣城郡召還改著作佐郎俄拜右拾遺直史館賜五品服出爲河北轉運使改知相州就除左補闕移相廬郡遷起居舍人還判登聞鼓院尋以本官知制誥進兵部員外郎充職以直言改戶部郎中出守淮陽以留獄之謗左降海州團練副使起爲工部員外郎直集賢院復戶部郎中 真宗皇帝即位遷吏部郎中判審官院兼通進銀臺封駁司賜金紫求出典海陵郡還臺兼御史知雜拜右諫議大夫史館修撰以咸平六年十二月十一日終于私第享年六十四公自白衣已有意於風化上書闕下請復鄉飲禮又請修籍田禮及在朝廷知無不言 太宗初既取太原范陽未下 帝怒不賞平晉之功中外囂然而莫敢言者獨上書論諫理意深切 帝感悟爾書褒答賜內帑錢五十萬僚友謂公曰今日之事鮮矣宜少晦以遠謗忌公曰事君之誠惟恐不竭矧天植其性豈一賞之奪耶在河朔蓋相州累章論邊事至桐廬郡以吳越之邦歸朝廷未久人阻禮教藐如也公下車建孔子廟教之詩書天子賜九經以佑之自是睦人舉孝秀登搢紳者比比焉在郡聞禁中火拜章極言 上嘉之及還眷遇愈隆會乾明節館閣多進詩歌 帝獨喜公之辭乃依韻和賜令宰相宣付公又上封禪書謂五代之亂人如豺虎不圖復見太平宜崇檢玉之禮以答天意公在西掖會京畿大旱禱祠無應遂抗言切於時政故有宛丘之

行咸平初出使秦隴回上三章言陝西數十州苦于靈夏之役朝廷爲之戚然出海陵之初以星文示變拜疏請降詔責躬上奉天誠 真宗皇帝嘉其意屢召對便殿及行降中使撫安仍加寵賚爰有翰林學士承旨宋公白舉公賢良方正以副天下之望一日召對久之且曰 陛下以皇王之道爲心臣請采經史中切於治躬者上資聖覽 帝深然之乃具草以進手詔荅曰卿能演皇王清淨之風述理亂興亡之本備觀鑑戒朕心渙然所撰三十篇皆隱其目公奉事 兩朝由補遺歷御史至諫議大夫前後章疏凡五十有二嘗謂諸子曰吾每言 國家事 天子聽納則人臣之幸不然禍且至矣亦吾之分也及終有遺表陳邦國安不忘危之意其家弗預焉 天子怛然命中使賻之有制痛悼贈工部侍郎二子改大理評事持喪中並給月俸哀榮之禮其謂至矣後以二子登朝累贈兵部尚書寶元二年某月某日與夫人合葬于泗州臨淮縣某鄉之某原禮也公娶楊氏再娶奚氏封江陵縣君能循法度以配君子二子長曰慶述今爲駕部員外郎次曰慶餘今爲比部郎中並克奉堂構有能政于四方女三人長適王氏次適龐氏季適張氏皆以婦道稱公動必以禮言必有法賢不肖咸憚伏之出處二十年未嘗趨權貴之門在貶廢中樂得其正晏如也著文章成五十卷目之曰咸平集行於世論者曰在大禹時臯陶矢厥謨在湯武時伊尹周公爲之訓誥故教化紀綱莫盛於三代而子孫有天下皆數百年秦滅詩書其風不紹至西漢得賈誼董仲舒其言可以追先王之烈而弗克施使後世王者無復起三代之心由漢始也 聖宋定天下 太宗銳意太平 真宗之初復親擢俊乂如田公之徒並見獎用惜乎不終其才豈皇天之意特厚於古歟某幼聞高風未嘗游於其門今駕部先君之履屨業索文於江外某敢約而修之又采舊老之言而作銘云

嗚呼田公天下之正人也言甚危命甚奇盡心而弗疑終身而無違嗚呼賢哉吾不得而見之

碑陰

文正公司馬

光

某自始三未聞故諫議大夫田公當 真宗踐祚之初求治方
急公稽古以監今日有獻月有納以贊成咸平盛隆之治私心慕
仰想見其爲人熙寧中始識公之曾孫偃師尉衍因就求觀公之
遺文後十餘年衍爲武勝軍節度推官知沈丘縣事以公文集及
墓銘相示且命某爲神道碑其墓銘乃故叅知政事范公所爲也
范公大賢其言固無所苟今其銘曰嗚呼田公天下之正人也雖
復使他人竭其慕仰之心頌公之美累千萬言能有過於此乎某
於范公無能爲役范公恨不得見田公則田公果何如人哉某不
惟愚陋不學且不爲人作碑銘已久不敢承命然常怪世人論譔
其祖彌之德業壙中之銘道旁之碑必使二人爲 彼其德業一
也銘與碑奚以異曷若刻大賢之言旣納諸壙又植於道其爲取
信於永久豈不無疑乎願審思之脫或可從請附刻於碑陰之末

滕待制宗諒墓誌銘

文正公范

仲淹

君諱宗諒字子京大中祥符八年春與子同登進士第始從之游

先公名二

三

然未篤知其爲人及君歷維連泰三州從事在泰日子爲鹽官於
郡下見君職事外孜孜聚書作文章愛賓客又與予同護海堰之
役遇大風至即夕潮上兵民驚逸皆蒼惶不能止君獨神色不變
緩談其利害衆意乃定予始知君必非常之才而心愛焉君去海
陵得召試學士院改大理寺丞知太平州當塗縣移知邵武軍邵
武縣遷殿中丞還臺會禁中災下御史府窮究君與秘書丞劉越
並上疏論災異明非人之所能爲朝廷貸其獄時 明肅太后晚
年未還政間君又與越嘗有鯁議旣 明肅厭代朝廷擢當時敢
言者越旣卒贈右司諫君拜左正言遷左司諫俄以言得罪換祠
部員外郎知信州又監鄱陽郡權酤就九華山以葬先君旣而起
通判江寧府丁太夫人憂服除知湖州賜五品服西戎犯塞邊牧
難其人 朝廷進君刑部員外郎直集賢院知涇州就賜金紫及
葛懷敏敗績于定川寇兵大入諸郡震駭君以城中乏兵呼農民
數千皆戎服登城州人始安又以金縷募敢捷之士晝夜探伺知
寇遠近及其形勢君手操簡檄閉白諸郡日二三次諸郡莫不感

服予時爲環慶路經略部署聞懷敏之敗引藩漢兵爲三道以助
涇原之虛時定川事後陰翳僅十日士皆沮怯君咸用牛酒迎勞
霈然霑足士衆莫不增氣又涇州土兵多没于定川君悉籍其姓
名列于佛寺哭而祭之復撫其妻孥各從其欲無一失所者予自
此數事乃知君果非常之才始請君自代 朝廷命韓公琦與予
充陝西四路馬步軍都部署經略安撫招討使復命君守本官充
天章閣待制環慶路經略安撫招討使兼知慶州君奏言今既置
四路經略安撫招討使而諸路經略亦帶招討之號稱呼無別非
統制所宜請去招討二字朝廷以其知體詔從之君去涇之日其
戰卒妻孥數百口環其亭館而號送之觀者爲流涕君至慶處置
戎事甚得機要邊人咸稱之會御史梁堅奏劾君用度不節至本
路費庫錢十六萬緡及遣中使檢察乃君受署之始諸部屬羗之
長千餘人皆來謁見悉遺勞之其費僅三千緡蓋故事也堅以諸
軍月給并而言之誣其數爾予時待罪政府嘗力辯之堅既死臺
諫官執堅之說猶以爲言 朝廷不得已坐君前守回中日饋遺

往來踰制降一官仍充天章閣待制知虢州又徙知岳州君知命
樂職庶務畢葺遷知蘇州未踰月人歌其能政俄感疾以其年月
日薨于郡之黃堂享年五十七 天子加賜賻禮進一子官嗚呼
予實知君之才而嘗薦之於朝及聞其終泣而誅之惜其才有餘
而命不足不得盡其術于生民諸子奉君之喪以其年月日葬于
池州青陽縣九華山金龜原而乞銘於予忍復讓哉君河南人曾
祖裔贈將作少監祖嶼不仕父感雅州軍事推官累贈尚書屯田
郎中母刁氏渤海縣太君追封仙遊縣太君君娶李氏封同安縣
君子四人希仲以方畧進前渭州軍事推官希曾登進士第希德
舉進士希雅尚幼並守將作監主簿女二人長適池州軍事推官
王栩次適進士劉君軻君少孤性至孝居母喪以哀毀屢病廬墓
側踰年手植松柏數萬株生平好學爲文長於奏議尤工古律詩
積書數千卷以遺子孫中外宗族無不盡其懽心其育人之孤急
人之難多矣君政尚寬易孜孜風化在玉山雪上回中岳陽四郡
並建學校紫微王舍人琪翰林張諫議方平太常尹博士源弟起

居舍人洙次爲之記重修岳陽樓刻唐賢今人歌詩于其上予又爲之記君樂於善士大夫亦樂於善而願書之也可不謂之君子乎銘曰

嗟嗟子京 天植其才 精爽高出 誠意一開 抗職諫曹
辯論弗摧 主略邊方 智謀橫來 嗟嗟子京 爲臣不易
名以召毀 才以速累 江海不還 鬼神何意 君昔有言
愛彼九華 書契以降 于戈弗加 樹之松楸 蔽于雲霞
君今已矣 復藏于此 魂其依歟 神其樂只 壽夭窮通
一歸乎至理

曾諫議致堯墓誌銘

荆公王

安石

公諱某字其其先封鄆鄆亡去邑爲氏王莽亂都鄉侯據棄侯之豫章家之蓋豫章之南昌後分爲南豐人某爲唐沂州刺史再世生某贈尚書水部員外郎公考也李氏有江南上公進士第一不就太平興國八年乃舉進士中第選主符離簿歲除授興元府司

先公六十二

五

錄道遷大理評事遷光祿寺丞監越州酒召見拜著作佐郎知淮陽軍將行 天子惜留之直史館賜緋魚袋使自汴至建安軍行漕詔曰凡三司州軍事有不中理者即驗之最鈞得匿貨以五百萬計除秘書丞兩浙轉運副改正使始諫議大夫知蘇州魏庠知侍御史知越州王柄不譬於政而喜怒從入庠介舊恩以進柄喜持上公到劾之以聞 上驚曰曾某乃敢治魏庠克畏也克畏可畏也語轉而然庠柄皆被絀楊允恭督揚子運公每得詔曰使在外便文全已非吾心也輒不果行允恭告上 上使問公公以所守言 上繇此薄允恭不聽言苛稅二百三十餘條罷之移知壽州壽俗富貴自豪陳氏范氏名天下聞公至皆迎自戢公亦盡歲無所罰既代空一城人遮行至夜乃從二卒騎出城去在郡轉太常博士主客員外郎 章獻嗣位常親決細務公言之又言民僮甚宜弛利禁是時羗數犯塞大旨議棄銀夏以解之公奏曰羗虛歛屬我我分地王之非計也今羗席此劫它種以自助不過二三年患必復起矣宜擇行人塞下調兵食待其變而已不報二年羗

果反圍靈州議臣請去靈州勿事公議曰羗以易拒者以靈州綴其後也判三司鹽鐵勾院 天子欲以爲知制誥召試矣大臣惑忌之遷戶部員外郎京西轉運使請限公卿大夫子官京師陳彭年議遣使行諸部減吏員下其事京西公曰彭年議無賢愚一切置不用邪抑擇愚而廢之耶擇愚而廢之人材其可以早暮驗耶上令趣遣使還數論事上感之遷公既而王均誅命公撫蜀所創更百餘事李繼遷再圍清遠靈武以丞相齊賢爲邠寧環慶涇原儀渭經略使丞相引公爲判官公奏記曰兵數十萬王超旣以郡都署之十二丞相徒領一二朝士往臨之超用吾進退乎吾能以謀付與超而有不能自恃乎不并將西無補也超能薄此重事願更審計丞相乃以公爲言詔陝西即經略使追兵皆以時赴公曰將士在空虛無人之處事薄而後追兵如後何遂辭行 上怒未有所發會召賜金龜公曰丞相敏中以非功德進官臣論其不可用爾臣受命事未有効不敢以冒賜固辭繇此貶公爲黃州團練副使旣而超果敗清遠靈武踵亡會南郊恩復官知秦州丁母夫人陳氏憂外除授吏部員外郎知泉州公常謂選舉舊制非是請得論改之陳省華子堯咨請殿上爲姦以弟昇舉人敗省華堯咨有邪巧材朝廷皆患惡而方幸無敢斥之者公入十餘疏辨之移知蘇州至五日移知揚州揚州守職田歲常得千斛然遣使督貧民耕民苦之公不使耕 天子方崇符瑞興昭應諸宮且出幸祠公疏言昔周成王旣卜卅三十七年七百然觀於周禮其經緯國體人事微細無不具則知王者受命必修人事以稱天所以命之之意不舉屬之天以怠人事也終曰 陛下始即位以爵祿待君子近年以來以爵祿畜盜賊大臣愈不懼移知鄂州封泰山恩遷禮部郎中始解揚州受添支差多一月公尋自言患公者因復絀公監江寧鹽酒西祀恩遷戶部郎中以祥符五年五月二十日疾不起年六十六階至朝請郎勳至騎都尉遺戒曰毋陷於俗媚佛夷鬼以汙我家人行人所著書若干書傳於世文長於歌詩云以其年某月日歸葬南豐之東園始公娶黃氏生子男七人仕者三人易占爲太常博士以能文稱公以博士故贈諫議大夫公沒八

年而博士子輩生生若干年水漬墓改葬公龍池鄉之原頭某年月日也葬有日輩以博士命次公生平事使來曰爲我誌而銘之安石視公猶大父也其少也則得公之詳如其孫之云始公自任以當世之重也雖人望公則亦然及遭太宗愈自謂志可行卒之閉於姦邪彼誠有命焉悲夫亦正之難合也雖其難合其可少任合乎未可必也彼誠有命焉雖然其難合也祗所以見士也孔子曰所謂大臣者以道事君不可則止於戲公之節廉幾所謂大臣者歟銘曰

既墓而北 乃升宅原 誰來求銘 公子與孫 公初哀終
惟義之事 維才之完 而薄施施 乃其後人 有克歟家
天啓予公 非在茲耶

新刊名臣碑傳琬琰之集卷三

田太傅况墓誌銘

荆公王

安石

田氏故京兆人後遷信都晉亂公皇祖太傅入于契丹景德初契丹寇澶州略得數百人以屬皇考太師太師哀憐之悉縱去因自脫歸中國天子以爲廷臣積官至太子率府率府終爲人沉悍篤實不苟爲笑語生八男子多知名而公爲長子公少卓犖有大志好讀書晝未嘗去手無所不讀蓋亦無所不記其爲文章得紙筆立成而閱博辨麗稱天下初舉進士賜同學究出身不就後數年遂中甲科補江寧府觀察推官以母英國太夫人喪罷去除喪補楚州團練判官用舉者監轉般倉遷秘書省著作佐郎又對賢良方正策爲第一遷太常丞通判江寧府數上書言事召還將以爲諫官方是時李元昊反夏英公范文正公經略陝西言臣等才力薄使事恐不能獨辦請得田某自佐以公爲其判官直集賢院叅都摠管軍事自真宗弭兵至是且四十年諸老將盡死爲吏者不知軍興法師數陷敗士民振恐二公隨事鎮撫其爲世所善多公計策將軍有欲悉數路兵出擊賊者朝廷許之矣公極言其不可乃止又言所以治邊者十四事多聽用還爲右正言判三司理欠憑由司權修起居注遂知制誥判國子監於是陝西用兵未已人大困以公副今宰相樞密副使韓公宣撫自宣撫歸判三班院而河北告兵食闕又以公往視而保州兵士殺通判閉城爲亂又以公爲龍圖閣直學士知成德軍真定府定州安撫使往執殺之論功遷起居舍人又移秦鳳路都摠管經略安撫使知秦州遭太師喪辭起居復者久之上使中貴人手敕趣公公不得已則乞歸葬然後起既葬託邊事求見上曰陛下以孝治天下方邊鄙無事朝廷不爲無人而區區大馬之心尚不得自從臣即死不知瞑矣因泣然泣數行下上視其貌甚瘠又聞其言悲之乃聽終喪蓋帥臣得終喪自公始以樞密直學士爲涇原路兵馬都摠管經略安撫使知渭州遂自尚書禮部郎中遷右諫議大夫知成都府充蜀梓利夔路兵馬鈐轄西南夷侵邊公嚴兵待之而誘以

恩信聞於諸國蜀自王均李順再亂遂號為易動往者得便宜決
事而多擅殺以為威至雖小罪猶并妻子遷出之蜀流離顛頓有
以故死者公拊循教誨兒女子畜其人至有甚惡然後繩以法蜀
人愛公以繼張公定而謂公所斷治為未嘗有誤歲大凶寬賦減
徭發廩以救之而無餓者事聞賜書獎諭遷給事中以守御史中
丞充理檢使召烏未至以為樞密直學士權三司使既而又以為
龍圖閣學士翰林學士又遷尚書禮部侍郎正其使號自景德會
計至公始復鈎考財賦盡知其出入於是入多景德矣歲所出乃
或多於入公以謂厚歛疾費如此不可以持久然欲有所掃除變
更興起法度使百姓得完其蓄積而縣官亦以有餘在 上與執
政所為而主計者不能獨任也故為皇祐會計錄上之論其故異
以寤 上上固恃公欲以為大臣居頃之遂以為樞密副使又以
檢校太傅充樞密使公自常選數年遂任事於時及在樞密為之
浸又超其匹天下皆以為宜顧尚有恨公得之晚者公行內修於
諸弟尤篤為人寬厚長者與人語款款若恐不得當其意至其有
所守人亦不能移也自江寧歸宰相私使人招之公謝不往及為
諫官於小事近功有所不言獨嘗從容為 上言為治大方而已
范文正公等皆士大夫所望以為公卿而其位未副公得間輒為
上言之故文正公等未幾皆見用當是時 上數以天下事責大
臣慨然欲有所為蓋其志多自公發公所設施事趣可功期成因
能任善不必已出不為獨行異言以峙聲名故功利之在人者多
而事迹可記者止於如此嘉祐三年十二月暴得疾不能興 上
聞悼駭敕中貴人太醫問視疾加損輒以聞公即辭謝求去位奏
至十四五猶不許而公求之不已乃以為尚書右丞觀文殿學士
翰林侍讀學士提舉景靈宮事而公求去位終不已於是遂以太
子少傅致仕致仕凡五年疾遂篤以八年二月乙酉薨于第享年
五十九號推誠保德功臣階特進勳上柱國爵開國京兆郡公食
邑三千五百戶實封八百戶詔贈公太子太保而賻賜之甚厚公
諱况字元均皇曾祖諱祐贈太保皇祖諱行周贈太傅皇考諱延
昭贈太師妻富氏封永嘉郡夫人今宰相河南公之女弟也無男

子以弟之子至安爲主後女子一人尚幼田氏自太師始占其家
開封而葬陽翟故今以公從太師葬陽翟之三封鄉西吳里於是
公弟右贊善大夫洵來曰卜葬公利四月甲午請所以誌其壙者
蓋公自佐江寧以至守留在所輒與學數親臨之以進諸生某少
也與公弟游而公所進以爲可教者也知公爲審銘曰

田室於姜 卒如龜祥 後其孫子 曠不世史 於宋繼顯
自公攸始 奮其華韃 配實之美 乃發帝業 深宏卓煒
乃興佐時 宰飪凋肺 文馴武克 內外隨施 亦有厚仕
孰無痕毀 公獨使彼 若榮豫已 維昔皇考 敢於活人
傳祉在公 不集其身 公又多譽 公宜雖老 胡此殆疾
不終壽考 掩詩於幽 爲告志久

蔡文忠公齊墓誌銘

文正公范

仲淹

寶元二年歲次己卯四月前叅知政事戶部侍郎蔡公薨 天子
悼之卿大夫憂之國人傷之 上命三公舉行典禮贈兵部尚書

卷之三

三

謚曰文忠以康定二年歲次辛巳十一月某日葬于許州陽翟之
某山公諱齊字子思其先周之子孫累封於蔡因以著姓秦漢以
降代生偉人曾祖綰贈太保洛陽人也嘗宰萊之膠水居官九年
民愛以深遂家焉祖諱鄰贈太傅隱居丘園以貴素爲樂考諱夢
臣累贈中書令博通經史善詩筆與宗族居鄉黨稱其孝友娶楚
國太夫人張氏而生公教以親仁賓來如歸公幼而神秀眉目廣
聳見者異之嘗依外舅劉氏學于彭城今相國龐西公迪時爲監
郡得公詩語嘆曰渠有大志宜善視之大中祥符八年春 真宗
皇帝臨軒以文考天下之士公中第一及引對文陞堂堂英偉進
退有法 上大悅顧謂寇萊公曰得人矣特下詔俾金吾給七人
清道自公始也釋褐除將作監丞通守充海郡移北海郡召還以
大著直集賢院主判三司開拆司賜服五品 今上即位拜右司
諫同修起居注改禮部員外郎兼侍御史知雜事賜金紫歷戶部
度支二副使遷起居舍人知制誥同知審官院既而召入翰林爲
學士轉禮部郎中龍圖閣學士守西京以便親求爲高密郡徙南

京入除左諫議大夫權御史中丞改給事中復充龍圖閣學士權
三司使拜樞密副使進禮部侍郎參知政事以戶部侍郎罷終于
汝陰郡享年若干楚國在堂君子衰之公之弟秘書丞稟甥著作
佐郎寇平幹公襲事中山郡夫人劉氏哭泣三年至于疾廢二子
尚幼曰延慶太常寺太祝曰延嗣秘書省正字長女適試將作監
主簿劉庠次女在室而其自布素從公之遊見公出處語默無一
不善門中奉親日視其親色諸公昆弟愛之如傷先朝東掖以
輔相器之當遺弓之初公懷哀慕不能食者數日家人視其衾衣
涕泗霑濕公病汝陰聞拓拔僭稱嘻吁感慙教弟稟言西事其詳
蓋忠孝之性發之天也公於親舊間雖死生不易彼有孤遺則必
爲之備嫁娶又好學無倦未嘗不以名教爲急孔子之後世襲文
宣公而宰曲阜乾興中四十九代孫承祐卒遂廢十餘年公聞承
祐有母弟在杭章請復其嗣有詔從之其立朝也能清其心高其
行未嘗取於人明肅太后時用事中貴人董修景德寺時公在
翰林詔爲之記中人求公善辭許以不次公遲之不進故被誣而
出至高密會歲飢公請蠲諸州稅又力請放海利以救東人于今
賴之公兩居憲臺方嚴不動百辟畏其風權威有過則彈劾不隱
未嘗求其下也明肅之終莊惠復立閣門促百僚賀公毅然正
色目臺吏不得追班前白執政遂罷自是莊惠損抑禮數公有力
焉在樞密院海南奏交趾八百餘人避本國之虐以歸我議者謂
不知還之恐生邊患公曰當內之荆湖間活以閑田奈何求生而
來委之虎兕蠻赤人也義必不還苟散爲民盜從而戮之酷又甚
焉爭之不能得後果爲亂捕之歲餘宜桂以西皆警朝廷患之
公猶有愧色在政府浩然示至公於中外以進賢爲樂以天下爲
憂見佞色則嫉聞善言必謝孜孜論道以致君堯舜爲心與大臣
居和而不倚正而不訐無親疎之間有方大之量朝廷爲之重刑
賞爲之平及其出也未踰歲而天子思之公遽不起嗚呼公之
生也天有意也公之亡也天有意乎使在位而壽則道德功名非
竹帛之可勝也矣銘曰

泰山之東

齊魯同風

厥生我公

我公堂堂

觀國之光

立字

真皇

真皇上仙

隕血漣漣

欲報昊天

今上聖神

廼眷正人

參于國鈞

純德坦坦

平心浩浩

進退惟道

恕以待物

誠以報國

仁人之德

天乎天乎

豈不有心

奪此令人

我懷憂深

箕山峩峩

潁川悠悠

山爲陂兮川爲丘

公之名兮與日月留

新刊名臣碑傳琬琰之集卷四

杜祁公衍墓誌銘

文忠公歐陽

脩

故太子太師致仕祁國公贈司徒兼侍中杜公諱衍字世昌越州山陰人也其先本出於堯之後歷三代常為諸侯後徙其封于杜而子孫散適他國者以杜為氏自杜赫為秦將軍後三世御史大夫周及其子建平侯延年仍顯于漢又九世當陽侯預顯于晉又十有四世歧國公佑顯于唐又九世而至于祁公其為家有法其吉凶祭祀齋戒日時幣祝從事一用其家書自唐滅亡喪其舊禮而一切苟簡獨杜氏守其家法不遷於世俗蓋自春秋諸侯之子孫經秦漢千有餘歲得不絕其世譜而唐之盛時公鄉家法存於今者惟杜氏公自高祖以來以恭儉孝謹稱鄉里至公為人尤潔廉自刻其為大臣事其上以不欺為忠推於人以行己以信故其動靜纖悉謹而有法至考其大節偉如也公享年八十 至尚書告老明年以太子少師致仕累遷太子太保太傅太師封祁國公於其家 天子祀明堂遣使者召公陪祠將有所問以疾不至而歲時存問勞賜不絕公少舉進士高第為揚州觀察推官知平遙縣通判晉州知乾州遷河東京西路提點刑獄知揚州河東陝西路轉運使入為三司戶部副使拜天章閣待制知荆南府未行以為河北路都轉運使遂知天雄軍召為御史中丞判流內銓知審官院拜樞密直學士知永興軍權知開封府康定元年以刑部侍郎同知樞密院事即拜副使慶曆三年遷吏部侍郎樞密使明年以本官同中書門下平章事公治吏事如其為人其聽獄訟雖明敏而審覈愈精故屢決疑獄人以為神其簿書出納推折毫髮終日無倦色至為條目必使吏不得為姦而已及其施於民者則簡而易行始居平遙嘗以吏事適他州而縣民爭訟者皆不肯決以待公歸知乾州未滿歲安撫使察其治行以公權知鳳翔府二邦之民爭於界上一曰此我公也汝奪之一曰今我公也汝何有焉夏人初叛命天下苦於兵而自陝以西尤甚吏緣侵漁調發督迫至民破產不能足往往日經投水以死於是時公在永興語其人

曰吾不能免汝然可使汝不勞爾乃爲之區處計較量物有無貴賤道里遠近寬其期會使以次輸送由是物不踴貴車牛芻秣宿食往來如平時而吏束手無所施民比他州費省十六七至於繕治城郭器械民皆不知開封治京師常撓於權要有干其法而能不爲之屈者世皆以爲難至公能使權要不敢有所干凡其爲治以聽斷盜訟爲能否爾獨公始有餘力省其民事如治他州而畿赤諸縣之民皆被其惠開封比比出能吏而兼於民政者惟公一人吏部審官主天下吏負而居職者類以不久遷去故吏得爲姦公始視銓事一日選者三人爭其闕公以問吏吏受丙昧對曰當與甲乙不能爭遂授他闕居數日吏教丙訟甲召其事不當得公悟召乙問之乙謝曰業已得他闕不願爭公不得已與丙而笑曰此非吏罪乃吾未知銓法爾因命諸曹各具格式科條以白問曰盡乎曰盡矣明日勅諸吏無得升堂使坐曹聽行文書而已由是吏不得與銓事與奪一出於公居月餘翕然聲動京師其在審官有以賄求官者吏謝不受曰我公有賢名不久見用去矣姑少待

之慶曆之初 上馱西兵之久出而民弊亟用今丞相富公樞密韓公及范文正公而三人者遂欲盡革衆事以修紀綱而小人權倖皆不悅獨公與相佐佑而公尤抑絕僥倖凡內降與恩澤者一切不與每積至十數則連封而面還之或詰責其人至慙恨涕泣而去 上嘗謂諫官歐陽脩曰外人知杜某封還內降邪吾居禁中有求恩澤者每以杜某不可告之而止者多於所封還也其助我多矣此外人及杜某皆不知也然公與三人者卒皆以此罷去公多知本朝故實善決大事初邊將議欲大舉以擊夏人雖韓公亦以爲可舉公爭以爲不可大臣至有欲以沮軍罪公者然兵後果不得出契丹與夏人爭銀瓮族大戰黃河外而薦門麟府皆警范文正公安撫河東欲以兵從公以爲契丹必不來兵不可妄出范公怒至以語侵公公不爲恨後契丹卒不來二公皆世俗指公與爲朋黨者其論議之際蓋如此及三人者將罷去公獨以爲不可遂亦罷以尚書左丞知兗州歲餘乃致仕公自布衣至爲相家服飲食無所加雖妻子亦有常節家故饒財諸父分產公以所得

悉與昆弟之會者俸祿所入分給宗族。明人急難，甚至其歸老無屋，以居寓於南京驛舍者。久之自少好學，工書畫，為詩讀書，雖老不倦。推獎後進，今世知名士多出其門。居家見貧客必問時事，聞有善，喜若已出，至有所不可憂見於色，或夜不能寐，如任其責者。凡公所以行之終身者，有能覆其一。君子以為人之所難，而公自謂不足以名後世。遺戒子孫無得紀述，嗚呼！豈所謂任重道遠而為善，惟不足者歟？曾祖太子少保諱某，贈太師，相，鸞，臚，卿，諱某，追封吳國公，父尚書，度支，員外郎，諱某，追封韓國公，皆贈太師，尚書，令兼中書，令，娶相里氏，封晉夫人，子男曰誥，大理評事，訢，太常博士，訥，將作監主簿，詒，秘書省正字，三子早卒，女長適集賢校理蘇舜欽，次適祕閣校理李縱，次適單州團練推官張道，道公以嘉祐二年某月某日卒于家，其子訢以某月某日葬公于應天府宋城縣之仁孝原，銘曰：

翼襄祁公 奪復自躬 一其初終 惟德之恭 公在于位 士知貪廉 退老孝家 四方之瞻 豈惟士夫 天子曰咨

爾曲爾直 繩之墨之 正爾方圓 有矩有規 人莫之踰

公無爾欺 予左予右 惟公是毗 公雖告休 受寵不已

宮臣國公 即命于第 奕奕明堂 萬邦從祀 豈無臣工

為予報事 何以召之 惟公舊德 公不能來 予其往錫

君子豈弟 民之父母 公雖百齡 人以為少 不俾黃耆

喪予元老 寵祿之隆 則有止期 惟其不已 無去而思

銘昭于遠 萬世之詒

章丞相得象墓誌銘

景文公宋

祁

宋有清忠肅艾之相曰章公諱得象其先齊太公裔封於鄆去邑為章氏，僑徙不常，後為武寧望，姓曾祖仁，嵩仕李昇為駕部郎中，以公故贈太師中書令，曾妣杜楚國太夫人，祖士兼汀州寧化令，贈太師中書令，妣周齊國太夫人，考慶志，耿介以儒術發聞，不樂進取，姻友數請強與吏偕試禮部，一不中，即謝去，盤桓家食，以天爵自終，贈太師尚書令，兼中書令，密國公，妣張秦國太夫人，世

烈前光幽而後融委報於公公孩提已自秀挺廿能爲六年十二
後挾策與密公及從兄得一俱稱茂才鄉人貴之當時夙儒碩
與周旋不以文人行自謂咸平五年天下進士貢千數朝廷選
取纔三十八人公第其中號爲得才授大理評事知邵武軍歸化
縣以斬衰喪不之官服除用大理丞爲信州玉山縣會東封泰山
大臣引公簽署兗州觀察判官事以辨治勞劇遷太常博士通判
明州以屯田都官二員外歷知台南雄洪三州事會詔近臣舉學
優行茂者以名聞時文靖呂丞相諫大夫張師德聯牘言上試學
士院以職方員外郎直史館入三司度支部爲判官歷祠部郎中
賜五品服改刑部曹糾察在京刑獄賜三品服公自釋褐即外遷
間關遠方幾二十年措紳未甚知者及還游諸公間器就德完一
口交譽姿表頎茂所至輒傾坐客視上閭如接下侃如中陶然粹
外類然簡照通量善不見崖畛天下遂推爲鉅人長者以兵部郎
中試中書進知制誥明年入翰林爲學士公於各命得輕重體要
進無盈壞退無溢尤至它詔令皆便時制宜使聽受施行者編
多至數百千篇即本職改諫議大夫以齊縷喪去官有詔奪
諫議不見聽累遷爲禮部侍郎又兼龍圖閣學士俄拜承旨兼侍讀
學士摘經驗古勸成風德在內外辭禁凡一終星異時與公嘗僚
或出公下者武相踵爲柄臣然愈謙晦無纖芥缺望不爲赫赫名
自結其澹於進取乃如此視積薪倒行不得輩公廝皂尚敢望其
藩哉惟 天子以爲國器可大任景祐三年乃擢同知樞密院事
改戶部侍郎毗燮內機底裏輸盡參和協恭道益光明 帝曰爾
遂相寶元元年以本官拜中書門下平章事邊鄙繹騷老師留屯
上所與閱赤白囊按邊吏才不肖調兵食止一二樞近裁可奉行
議者謂三公無不統兵獨大事有不與知方多故時不容偏任
天子向其言始命宰相兼樞密使仍進公中書侍郎兼工部尚書
公授使讓還其官在 上前論事或日盱別白精審無所回忌時
天下承平久器盡未卒兵耗不登公與呂丞相共議閱良家子數
十萬補完虛籍益市馬充車騎爲蒐教之法付于軍謹脩繕之令
督于官戒用度之冗謹其財所以愷威常武紆國庇民者咸見納

用遼人誅利設言邀隙乃參取餌表陰折敵謀且引陽秋不一足之義權辭約幣以一介至其廷卒得要領歸報會呂丞相病免復以冬官命公遂爲上宰拓跋之叛公謂賊地瀋戰亟救當自臣令按甲毋出以飽士氣既割刈不克振果叩高奴塞泥首就羈裁賜藝貢禮以荒服終大酋窮憤兵死賀蘭鉏其未萌剪其連飛如公之素公既久當國且畏盛蒲書諗夕咨慮煩必傷乃頓首乞還丞相印詔不許表至十上未得報則還第待罪 天子手詔曰須郊祠畢更一年乃聽公以敷諭諄切不敢違然志遠名聞每奏事或獨留且陳年侵疾癘言誠哀到慶曆五年始得以檢校太傅鎮安軍節度視相秩即判其州七年進封郇國公明年徙留西維朝京師遂請老時議以圖任老目峻不應以年爲解公執益固 上愛不可留特拜司空致仕賜實俸著令燕見如丞相於是公年七十一去位之六月乙未暴感疾一日薨詔遣太醫馳視已不可爲計聞天子即日幸其第既酌哀甚賜銀三千兩它賜稱之舊制人臣罷退有物故乘輿不臨喪又是日當休法從或出冰而詔蹕遽行

且使走喻二府以殊禮待公意再不視朝追贈太尉兼侍中進二子一孫官大女疏湯沐邑幼女及孫賜簪鏡服推叙宗姪者六人公無主饋嗣且幼 上遣中人省實家貲簿付宗老舉不滿萬金裁俸賜所贏嗚呼隱卒葆終寵孤卹私之恩極矣蓋公之納忠也至故報禮也稱朝野涕咨謂之榮哀前夫人張氏未及公顯故君清河縣後夫人楊氏偕公貴故國于郇息男五釋之終大理評事約之終光祿寺丞介之終太常寺太祝皆以學自力數射策與諸儒確世稱其才延之大理寺丞公得謝特賜緋袍銀魚脩之大理評事皆儼然在次號脊如禮約之子元方大理評事以盛德後羨慶委祥且復大不疑云息女五三夭于室次適太常寺太祝隴西李上卿封永昌郡君上卿今樞密直學士給事中昭述之子季尚幼從子隱之公素所愛教實有遺令相二子治喪於是發龜策合內外姻與謀以秋九月某日克葬公於許州陽翟縣三封之原以二夫人附初母夫人捐養京師命不還葬於是作新塋乃今異位同域庶公之志公與諸生進官於朝其踐歷大槩著矣至總局如

審刑太常禮三院尚書都省通進銀臺群牧使
使則再充契丹國信特選則知禮部貢舉權置則南郊禮
大禮使常兼則集賢昭文二大學士兼脩國史譯經潤文使皆餘
功它閥便蕃烜赫至善狀尚多不得詳勳階爵並極本品功臣文
四十邑食萬戶實食三之一公不喜為鰥厲行要以天下中庸自
居薦寵士大夫惟力所視無有愛惜苟顯於時弗嘗已自出與人
交久而益親仕十六官未始有豪髮譴咎雖長喙緩頰不敢加非
於公不植私不援黨家無言利之老室無邀福之祈在宰府務總
綱紀去煩苛臨大事從容鎮靜無遽色亟言見於幾微士之辨銳
自喜者或上謁有所開說公為陳大跡皆語塞自引去至上書過
皆宰政 天子下其章它輔臣欲讎實所言公第置之無所辨監
司繩切州縣更約束劾發微密所至紛然公白其非是時急於吏
課一切聽之未幾議不以爲便舉皆復故輔政八年章程修明其
嘉猷納之 上庶績付之有司功名勢地皆一不處故論者但美
公德不能言其所以德彼挈挈可名者果其細邪公之始生密國
夢相者拜於前旁有人曰相而拜台輔也公爲省郎楊文公億屬
廣坐謂公曰希言當爲賢宰相聞江南臺古傳沙合者出相比年
遂債爲洲名世資弼抑天啓然善行章書筆法道婉時人奔牘秘
愛論著文章數百篇雅懿沈鬱薄天人之極其爲 章惠太右器
上最稱善奉詔撰御書梵字後記鋪衍宏麗文林躡服噫天與善
人舊矣又曰仁者壽挾二必然之理與公之嗇和不能亢有定之
數使登期願固所謂不尺信而難謀者哉古之遭時君必終始自託
然始未嘗不隆而後稍薄也如公疊寵蕃數存無比而歿有加焉
易名之曰太常謚曰文憲至內外無間言全德哉若人僕辱公知
且其嗣有請遂爲之銘

在宋四世

帝功極熾

顯顯有郇

實相而濟

羞首悟後

弄兵不朝

赤子恃舖

亢父取驕

公爲國謀

折箠不答

待其瘡飢

委命自歸

鬼方窺鏡

不情以詐

公屈其諫

建言一赦

朝遣單車

往喻厥廷

撓酒不渝

卒復兩

二陞休寧

時公之功

薰以太和

物夥歲豐

遂安二

以揉萬邦 乘車嘽嘽 高牙言言 公有文武 之翰之藻
既老而傳 頓首乞身 天子有命 兩作司空 弗職以勞
安嗇而冲 公有陰德 大濟于時 宜永斯年 乃不期頤
六飛駸駸 厥第是臨 裨衣豐貂 既遂乃歛 賁極榮終
誰克之如 本公忠勞 感會有初 降體穎濱 大宵無晨
孰襄厥事 若子而孫 下有千載 追慕如仁

新刊名臣碑傳琬琰之集卷四

銘

